

Berita Iban

Kabinet baru dikearap enda ngasaka ati rayat

Ketegal ke mayuh nyadi menteri, sapit menteri arapka mayuh agi pemansang diagih ke Sarawak

KUCHING: Rayat nengeri tu ngarapka mayuh agi pemansang deka diberi ngagai Sarawak berindik ari pemayuh menteri enggau sapit menteri ari menua tu dalam tusun kabinet baru Menteri Besai Datuk Seri Najib Tun Razak.

Sapit Dekan, Fakulti Sains Sosial, Universiti Malaysia Sarawak (UNIMAS), Prof. Madya Dr. Neilson Ilan Mersat madahka, menteri enggau sapit menteri ti udah dipaduka nya patut chakah bejalaika pengawa pemansang sereta transformasyon awakka rayat bulih pengelantang sereta dikearapka ulih ngemuaska peminta

enggau guna rayat.

Iya ngarapka kabinet baru ti bisi pengelelebih nya ngemeranka enggau chakah ngambika enda ngasaka ati rayat.

“Baka sempama kitai Iban ‘sepemesai pan batu chanai enti enda dibai bumai enda meh bulih padi, segantang pan batu lua kenyalang enti enda dibai nyerang enda meh ngasuh berani’ reti iya taja pan bisi pengelelebih ba sekeda pekara tang enti enda dikemeran nadai meh guna,” ku iya.

Tandu iya Sarawak enggau Sabah betul endar digelar “fixed-deposit BN” beduduk ari pemayuh menteri enggau sapit menteri ke sekali tu, ke

nunjukka Najib mungkur semua kandang menua enggau semua raban bansa. Ba kitai Sarawak tu pemayuh nya bisi penyelai ke dikumbai perais 50 taun udah Merdeka.

“Beduduk ari pemayuh menteri enggau sapit menteri ari Sarawak, rayat nengeri tu udah tentu ngarapka mayuh pemansang deka diberi kitu nyengkaum prasarana sereta lebih agi pemansang sekula di menua pesisir. Kebuah pia, laban pelajar tu tetap nyadi senyata pepadu tajam ba tiap iku orang dikena ngubah tikas sosio-ekonomi sida.

“Kitaingarapkasida (menteri enggau sapit menteri) chakah

bejalaika tanggungpengawa, tang enti chara bejalaika pengawa bala kabinet ti mayuh ari Sarawak nya ila kelabur sereta enda ngemuaska, dia rayat deka teperasa,” ku Neilson ti mega pemansik politik.

Nambahka nya ku iya dalam penerang berita ngagai Utusan Borneo, pekara transformasyon patut terus dipejalaika senipak enggau menua tu ke bisi ketua ti tegap sereta bisi integriti ti dikedeka rayat.

Ketuai patut nadai bechipping sereta selalu berunding enggau genap serak. Baka ti selalu dipadahkan Najib iya nya “Zaman kerajaan mengetahui segala-galanya sudah berakhir”, ku

“Baka sempama kitai Iban ‘sepemesai pan batu chanai enti enda dibai bumai enda meh bulih padi, segantang pan batu lua kenyalang enti enda dibai nyerang enda meh ngasuh berani’ reti iya taja pan bisi pengelelebih ba sekeda pekara tang enti enda dikemeran nadai meh guna.”

Prof. Madya Dr. Neilson Ilan Mersat
Sapit Dekan, Fakulti Sains Sosial, UNIMAS

Neilson.

Ngenang kaul antara perintah nengeri enggau besai, Neilson ngarapka pemayuh

menteri enggau sapit menteri ari Sarawak sereta Sabah ulih ngenegapka kaul dua perintah nya (nengeri enggau perintah



NEILSON ILAN

besai).

“Nengah penegap kaul tu mega kitai ngarapka rayat Sarawak ulih nyeliahka diri ari ngasaika diri enda dikeibuh,” ku iya.